

Көсембай негізгі мектебінің 2-сынып оқушыларымен 2023/2024 оқу жылында жүргізілген тәрбие жұмысына талдау

2023-2024 оқу жылын 3-класта 4 оқушы бастады. Сағындыққызы Кәусар отбасы жағдай бойынша қала мектебіне ауысты. Қантар айының ортасынан қала мектебінен бұрын осы кластың даярлық сыныбында оқып кеткен Жасұлан Мирас келді. Оқу жылын 5 оқушы болып аяқтады. Басқаша оқушылар қозғалысы болған жоқ. Оқу үлгерімінің сапасы -80% құрайды. Үлгермеуші жоқ. Қаладан келген оқушы Жасұлан Мираспен қосымша жұмыстар жасалды.

Осы жылға жоспарланған тәрбие жұмыстарының жоспары бекітіліп, уақтылы өткізілді.

Тәрбие жұмысының мақсаты: сынып оқушыларын адамгершілікке, Отансүйгіштікке тәрбиелей отырып, сапалы білім мен саналы тәрбие беру.

Жаңа оқу жылына сынып парламенті сайланды. Оқушылардың сабаққа қатысу динамикасы өте жақсы. Сынып өте тату, тәртіпті. Биылғы кешенді бағдарлама адами ұлттық құндылықтарға негізделген. Ұлттық құндылықтар: ұлттық мүдде, ар-ұят, талап. Осы құндылықтарды тәрбиеленушілеріміздің бойына сіңіре отырып, орта білім беру ұйымдарының жоспарына сәйкес әр айдың тәрбие және сынып сағаттары өтілді. 1-қыркүйек Білім күніне арналған «Мектебім-мейірім мекені» атты бірыңғай тәрбие сағатынан бастау алған сабақтар жыл бойы жалғасты. Ұлттық құндылықтарға негізделген сынып сағаттары «Тілім менің ғасырларға аманат», «25-қазан Республика күні», «Тәуелсіздік-тұғырым», «Халықтың ерлігі ғасырлар бойы өмір сүреді», «Ұлттар достастығы» т.с.с. Өз еліне қызмет ету, қазақ тілін дәріптеу, елінің тарихын, мәдениетін, рәміздерін кәдірлейтін жас ұрпақты тәрбиелеу мақсатындағы өткізілген жұмыстардың тәрбиелік мәні жоғары болды.

Ар-ұят құндылығы бойынша оқушыларға адал еңбекті құрметтеу, достарына адал болу, мейірімді, қамқор азамат тәрбиелеу, жауапкершілікті сезіну мақсатында сынып сағаттары өтілді. «Үлкенге – құрмет, кішіге ізет», «Отбасы-тәрбиенің алтын бесігі», «Кім болғың келеді?», «Сен және заң», «Алғыс айту -парызым», т.б.

Талап құндылығы бойынша мынадай сынып сағаттары өтілді. «Тиімді әрі пайдалы тамақтану негізі», «Қонақ күту әдебі», «Дұрыс тамақтану-денсаулық кепілі», «Әдептілік әліппесі», «Денсаулық-зор байлық». Талап мүддесі бойынша өтілген сынып сағаттардан оқушылар жан мен тән тазалығы, дұрыс тамақтану мәдениеті, дұрыс қарым-қатынас орнату туралы ақпараттармен өз түйсіктерін толтырды деп ойлаймын.



Сонымен бірге мектепшілік, аудандық сайыстарға қатысып, қоржынымызды дипломдармен толықтырды. Бастауыш сынып бойынша өтілген апталықтарды жүлделі орындарға лайықталды. Мектептегі «Бала және театр», «Тоғыз құмалақ» үйірмелеріне класс түгел қатысты. «Бала және театр» үйірмесінен облыстық «Үздік ертегі» байқауына кластан Рза Әділет I орынды иеленді. Сол сияқты тоғызқұмалақ бойынша өткізілген жарыстардан да құр қалмады.



Бұл жылы да ата-аналармен жұмыс жоспары жасақталып, жұмыстар жасалды. Әр тоқсан сайын ата-ана жиналыстары өткізіліп, оқушылардың сабақ үлгерімі туралы хабарланды. Жыл басында ата-аналар комитеті сайланып, алдағы атқарылатын жұмыстармен таныстырылды. «Отбасында жағымды ахуал қалыптастыру», «Демалысты тиімді өткізейік!», «Баланың даралығын темпераментке сәйкес қалай ашуға болады?» сынды баяндамалар оқылып, талқыланды. Жалпыхалықтық мерекелерде ата-аналармен бірлескен түрде жұмыстар жүргізілді.

Сынып жетекшісі:

Сұлтанғалиева Ж.Б.